

## **Decisiuns dalla radunanza communal Surses**

La radunanza communal Surses digls 18 da mars 2019 ò

- decida da sustignair igl project da hotel da 4 steilas dalla Panorama Development SA agls Viols, Savognin, scu suonda:
  - cun 116 cunter 3 vouchs è nia concedia igl dretg da compra per ena surfatscha da 5'286 m<sup>2</sup> dalla parcella nr. 3281, Viols, Savognin.
  - cun 116 cunter 3 vouchs è nia concedia ena contribuziun da promoziun unica à fonds perdu da max. 1.4 miu. francs.
- decida da sustignair igl project d'en resort da vacanzas dalla RESalpina ScRL agls Viols, Savognin, scu suonda:
  - cun 114 cunter 2 vouchs è nia concedia igl dretg da compra per ena surfatscha da 9'389 m<sup>2</sup> dalla parcella nr. 3281, Viols, Savognin.
  - cun 113 cunter 2 vouchs è nia concedia ena contribuziun da promoziun unica à fonds perdu da max. 1.65 miu. francs.
- approvo unanimamaintg igl contract da dretg da biagier cun igl Club da ballape Surses per la piazza da ballape a Tinizong cun ena dirada da 30 onns ed en tschains simbolic da fr. 100.00 per onn.
- decida cun 116 cunter 1 vouch da cumprar la parcella nr. 10025, Beiva, an possess dalla Post Immobilien SA e da conceder a madem taimp igl credit supplementar necessari persiva da fr. 400'000.00.
- approvo unanimamaintg la revisiun parziala dalla lescha da natiralisaziun digl cumegn da Surses.
- piglia cunaschientscha da diversas infurmaziuns.

Igl protocol dalla radunanza communal digls 18 da mars ò da neir publitgia igl pi tard en meis siva la radunanza cun en termin d'exposiziun da 30 deis. Igl termin d'exposiziun exact vign communitiga a taimp util aint igls figls uffizials digl cumegn.

Tinizong, igls 19 da mars 2019

**La suprastanza communal Surses**